



ORACIONES,  
QUE SE HAN DE DECIR  
antes, y despues de las Juntas  
Particulares , y Generales de  
nuestra Ilustre , y Primitiva  
Congregacion de la Inviecta  
Virgen , y Martyr  
SANTA LIBRADA.

ꝑ. Sit nomen Domini benedictum.

R. Ex hoc nunc , & usque in sæculum.

H Y M N U S .

V ENI Creator Spiritus  
Mentes tuorum visita  
Imple superna gratia,  
Quæ tu creasti , pectora,

Qui

Qui diceris Paraclytus,  
 Altissimi donum Dei,  
 Fons vivus, ignis, charitas,  
 Et spiritalis unctio.

Tu septiformis munere,  
 Digitus paternæ dexteræ,  
 Tu ritè promissum Patris,  
 Sermone ditans guttura.

Accende lumen sensibus:  
 Infunde amorem cordibus:  
 Infirma nostri corporis  
 Virtute firmans perpeti.

Hostem repellas longius,  
 Pacemque dones protinus,  
 Ductore sic te prævia  
 Vitemus omne noxium;

Per te sciamus da Patrem,  
 Noscamus atque Filium,  
 Teque utriusque Spiritum  
 Credamus omni tempore.

Deo Patri fit gloria,  
 Et Filio, qui à mortuis  
 Surrexit, ac Paraclyto.  
 In sæculorum sæcula. Amen.

3

ψ. Emitte spiritum tuum, & creabuntur.  
*Tempore Paschali. Alleluia.*

℞. Et renovabis faciem terræ.  
*Tempore Paschali. Alleluia.*

O R E M U S.

**D**EUS, qui corda fidelium Sancti Spiritus illustratione docuisti : da nobis in eodem spiritu recta sapere, & de ejus semper consolatione gaudere. Per Dominum nostrum Jesum Christum Filium tuum, qui tecum vivit, & regnat in unitate ejusdem Spiritus Sancti Deus, per omnia sæcula sæculorum. Amen.

*Finalizadas las Juntas se dice:*  
Omnis spiritus laudet Dominum.

**T**E Deum laudamus : Te Dominum confitemur.

Te Æternum Patrem omnis terra veneratur.  
Tibi omnes Angeli : Tibi Cœli, & universæ  
Potestates.

Tibi Cherubim, & Seraphim : incessabili voce proclamant.

Sanctus, Sanctus, Sanctus, Dominus Deus  
Sabaoth.

Ple-

Pleni sunt Cœli , & Terra , majestatis gloriæ  
tuæ.

Te gloriosus Apostolorum Chorus.

Te Prophetarum laudabilis numerus.

Te Martyrum candidatus laudat Exercitus.

Te per Orbem terrarum , Sancta confitetur  
Ecclesia;

Patrem Immensæ Majestatis

Venerandum tuum verum, & unicum Filium.

Sanctum quoque Paraclytum Spiritum.

Tu Rex Gloriæ Christe.

Tu Patris Sempiternus es Filius.

Tu ad liberandum suscepturus hominem,

Non horruisti Virginis uterum.

Tu devicto mortis aculeo,

Aperuisti credentibus regna Cœlorum.

Tu ad dexteram Dei sedes in gloria Patris;

Judex crederis esse venturus.

Te ergo quæsumus , tuis famulis subveni;

Quos pretioso Sanguine redimisti.

Æterna fac cum sanctis tuis , in gloria nu-  
merari.

Salvum fac populum tuum Domine , & be-  
nedic hæreditati tuæ.

Et rege eos, & extolle illos usque in æternum.

Per singulos dies benedicimus te.

Et

Et laudamus nomen tuum in sæculum,  
Et in sæculum sæculi.

Dignare Domine die isto, sine peccato nos  
custodire.

Miserere nostri Domine, miserere nostri.

Fiat misericordia tua Domine super nos,

Quemadmodum speravimus in te.

In te Domine speravi, non confundar in æter-  
num.

### ANTIPHONA.

**H**ÆC est Virga, in qua nec nodus origi-  
nalis, nec cortex actualis culpæ fuit.

Ÿ. In Conceptione tua Virgo Immaculata  
fuiſti. *Tempore Paſchali. Alleluia.*

Ꝟ. Ora pro nobis Patrem, cujus Filium pe-  
peristi. *Tempore Paſchali. Alleluia.*

### OREMUS.

**D**EUS, qui per Immaculatam Conceptionem dignum Filio tuo habitaculum præparasti: quæſumus, ut ſicut ex morte ejuſdem Filii ſui præviſa, eam ab omni labe præſervaviſti; ita nos quoque mundos ejuſ interceſſione ad te pervenire concedas.

*Añã.*

*Ant.* Gloriosum Sanctæ Liberatæ triumphum solemniter celebremus, quæ in Cruce pendens, Infernum vicit, & tyrannorum tormenta superavit: Alleluia.

☩. Specie tua, & pulchritudine tua.

*Tempore Paschali.* Alleluia.

℞. Intende, prosperè, procede, & regna.

*Tempore Paschali.* Alleluia.

## ORATIO.

**B**EATÆ Liberatæ Virginis, & Martyris tuæ, quæsumus Domine, precibus, & meritis adjuvemur: ut quæ pro tui nominis confessione, & pudicitia defensione in Cruce pependit, ab inimicorum insidiis sua nos protectione defendat. Per Dominum nostrum.

℞. **N**E recorderis peccata mea Domine \*  
Dum veneris iudicare sæculum per ignem.

☩. Dirige Domine Deus meus in conspectu tuo viam meam. Dum veneris.

☩. Requiem æternam. Dum veneris.

Kyrie eleison. Christe eleison. Kyrie eleison.  
Pater noster, *Secretò.*

☩. Et ne nos inducas in tentationem.

℞. Sed libera nos à malo.

℣. Aporta inferi.

℞. Erue Domine animas eorum.

℣. Requiescant in pace.

℞. Amen.

℣. Domine exaudi orationem meam.

℞. Et clamor meus ad te veniat.

℣. Dominus vobiscum.

℞. Et cum spiritu tuo.

### ORATIO.

**D**EUS, veniæ largitor, & humanæ salutis amator: quæsumus clementiam tuam, ut nostræ Congregationis Fratres, propinquos, & benefactores, qui ex hoc sæculo transierunt, Beata Maria semper Virgine intercedente cum omnibus Sanctis tuis ad perpetuæ beatitudinis consortium pervenire concedas. Per Christum Dominum nostrum. ℞. Amen.

℣. Requiem æternam dona eis Domine.

℞. Et lux perpetua luceat eis.

℣. Requiescant in pace.

℞. Amen.

*Remite:  
Joué Saint y Orme*

